



BKKM 1811

FIQH AMALI

Semester 2, Session 2020/2021

TAJUK:

Pengurusan Jenazah mengikut Islam

Nama:	Muhammad Izham Bin Norhamadi
No Matrik:	B032020039
Kursus:	BITZ
Fakulti:	FTMK
Nama Pensyarah:	Ustaz Ahmad Ridzwan
Tarikh:	3/6/2021



Pengenalan

Pengurusan jenazah adalah suatu kewajipan Islam, syariat Islam telah menentukan yang jenazah hendaklah dikebumikan, selepas dimandikan, dikafankan dan disolatkan. Pengurusan jenazah merupakan fardhu kifayah ke atas umat Islam yang bermaksud kewajipan tersebut terletak pada sebahagian anggota masyarakat sahaja. Namun, kesedaran haruslah dikalangan generasi muda kerana mereka yang bakal menjalankan tanggungjawab ini pada masa hadapan.

Perkara-perkara perlu dilakukan kepada orang yang baru mati

Apabila seseorang Islam telah meninggal dunia, maka bagi orang yang hidup hendaklah melakukan perkara-perkara seperti yang berikut:-

1. Hendaklah dipejamkan matanya dan menyebut menyebut kebaikan serta mendoakan dan meminta keampunan kepada Allah di atas dosanya.
2. Hendaklah ditutup seluruh badannya dengan kain dan auratnya sebagai penghormatan
3. Ahli keluarga jenazah yang mampu, segeralah membayar hutang jenazah itu sama ada dari harta peninggalan jenazah atau pertolongan keluarga itu sendiri

Sunat dilakukan sebelum Jenazah dikebumikan

Apabila seseorang itu telah meninggal dunia, maka sunat bagi orang yang hadir di majlis itu melakukan perkara-perkara berikut kepada jenazah tersebut:-

1. Memejamkan kedua belah matanya lalu membaca

بِسْمِ اللَّهِ وَعَلَى مِلَّةِ رَسُولِ اللَّهِ

2. Mengikat dagunya ke kepalanya dengan kain yang lebar dan bersih supaya mulutnya tidak ternganga.
3. Meletakkan jenazah di tempat yang tinggi seperti katil dan kakinya dilunjurkan ke arah kiblat. Kepalanya juga mestilah tinggi sedikit dari kakinya dengan diletakkan alas seperti bantal.
4. Ditanggalkan semua pakaiannya dan ditutup seluruh badannya dengan kain yang tidak begitu tebal.

5. Kedua-dua belah tangan jenazah itu hendaklah di atas dadanya, tangan kanannya diletakkan di atas tangan kirinya seperti keadaan letak tangan semasa sembahyang dan sebaik-baiknya tangannya itu diikat dengan kain.
6. Diletakkan di atas perutnya sesuatu benda yang agak berat sedikit supaya perutnya tidak membesar

Perkara-perkara yang wajib dilaksanakan

Apabila seseorang Islam meninggal dunia maka fardu kifayah kepada orang yang hidup melaksanakan perkara-perkara seperti yang berikut:-

1. Memandikan
2. Mengkafankan
3. Menyembahyangkan
4. Mengebumikan

Keempat-empat perkara tersebut wajib dilaksanakan dengan sempurna dan segera kecuali orang yang mati syahid, maka hanya wajib dikafankan dan dikebumikan dan haram dimandi dan disembahyangkan.

1. Memandikan

Memandikan jenazah bererti meratakan air ke seluruh tubuh badan jenazah sesudah dibersihkan najis yang ada pada badannya.

Cara Memandikan

1. Dimandikan di tempat yang bertutup seperti bilik dan jangan dibenarkan sesiapa pun masuk ke tempat itu kecuali orang yang memandikan, pembantunya dan ahli waris yang hampir seperti keluarga.
2. Pakaian jenazah hendaklah ditanggalkan dan diganti dengan kain basahan mandi, sebaik-baiknya dengan kain sarung.
3. Hendaklah dibaringkan jenazah itu di atas papan yang agak tinggi seperti meja supaya tidak terkena percikan air yang jatuh.
4. Air yang digunakan untuk memandikan jenazah itu ialah air masin atau air tawar sejuk supaya menahan daripada segera busuk.

5. Sebelum atau setelah jenazah dimandikan, hendaklah jenazah itu diwudukkan.
6. Dengan lemah lembut menurut perut jenazah dan menekannya, diulang-ulang beberapa kali supaya keluar najis-najis yang ada di dalam perut.
7. Dibasuhkan kemaluannya dan duburnya dengan tangan kiri yang telah dibalut dengan kain bersih.
8. Dibasuh dan dibersihkan mukanya seperti gigi, mata, lubang hidung, dan telinga dan kotoran di bawah kuku.
9. Dibasuh kepala dan janggut (jika ada) dan disisirkan rambutnya dengan sikat yang jarang supaya rambutnya tidak gugur.

2. Mengkafankan

Setelah jenazah itu selesai dimandikan dengan sempurna, maka wajib pula dikafankan. Kafan hendaklah diambil dari harta jenazah sendiri, jika jenazah itu ada meninggalkan harta. Jika tiada, maka wajib diambil dari harta mereka yang wajib memberi nafkahnya ketika hidup.

Cara-Cara Mengkafankan

1. Jenazah dihamparkan berlapis dan ditaburkan setiap lapis benda-benda yang berbau harum seperti kapur barus yang sudah dihaluskan
2. Jenazah tersebut diletakkan di atas di atas kafan dengan telentang dan kedua tangannya diletakkan di atas dadanya seperti dalam keadaan sembahyang
3. Hendaklah dimulakan membungkus jenazah dengan kafannya dari sebelah kiri dan kafan yang sebelah kanan ditindihkan ke sebelah kiri, selepas itu barulah diikat dengan lima ikatan atau tiga ikatan

3. Menyembahyangkan

Setelah selesai jenazah itu dimandikan dan dikafankan maka wajib pula disembahyangkan.

Rukun Sembahyang Jenazah

1. Niat
2. Berdiri lurus
3. Takbir 4 kali
4. Membaca Fatihah
5. Membaca selawat ke atas Nabi SAW selepas takbir yang kedua
6. Mendoakan jenazah. Doa ini dilakukan selepas takbir yang ketiga.
7. Memberi salam. Salam ini hendaklah dilakukan selepas takbir yang keempat.

4. Mengebumikan

Setelah selesai jenazah dimandikan, dikafankan, disembahyangkan dan telah dibawa pula ke tanah perkuburan untuk dikebumikan maka hendaklah jenazah tadi ditanamkan dalam lubang lahad.

Cara-cara Mengebumikan

1. Meletakkan jenazah di arah kaki kubur
2. Diangkat jenazah itu ke dalam liang lahad atau lubang tengah perlahan-lahan dan bercermat
3. Miringkan jenazah itu ke sebelah kanan dan dihadapkan mukanya ke arah kiblat
4. Jika jenazah itu perempuan ketika memasukkan ke kubur, hendaklah ditutup di atasnya dengan kain dan sebagainya
5. Ketika mengangkat jenazah ke dalam kubur disunatkan membaca:-

بِسْمِ اللَّهِ وَعَلَىٰ مِلَّةِ رَسُولِ اللَّهِ صَلَّى اللَّهُ عَلَيْهِ وَسَلَّمَ

6. Hendaklah dimasukkan jenazah itu ke kubur dari arah kaki kubur dengan mendahulukan kepalanya

7. Buka tali ikatan yang mengikat kafan jenazah itu
8. Bukakan kain kafan pada muka jenazah supaya mukanya mencecah ke tanah
9. Setelah ditutup lahad jenazah itu, hendaklah dimasukkan ke dalam kuburnya tiga kepal tanah dan dibaca:

Kepal yang pertama:

مِنْهَا خَلَقْنَاكُمْ اللَّهُمَّ لَقِّنْهُ عِنْدَ الْمَسْأَلَةِ حُجَّتَهُ

Kepal yang kedua:

وَفِيهَا نُعِيدُكُمْ اللَّهُمَّ افْتَحْ أَبْوَابَ السَّمَاءِ لِرُوحِهِ

Kepal yang ketiga:

وَمِنْهَا نُخْرِجُكُمْ تَارَةً أُخْرَى اللَّهُمَّ جَافِ الْأَرْضَ عَنْ جَنَّتَيْهِ

10. Tutup lubang kubur itu dengan papan dan sebagainya, dan timbus dengan tanah serta tinggikan sekadar sejengkal
11. Bahagian atas kubur yang ditinggikan sekadar sejengkal itu, jangan dilonjongkan, tetapi hendaklah didatarkan dan diratakan
12. Hendaklah menanda kubur dengan batu dan sebagainya (batu nisan) di sebelah kepala jenazah
13. Meletakkan batu kecil-kecil (batu kerikil) di atas kubur
14. Menyiram kubur dengan air
15. Mendoakan jenazah memohon kepada Allah supaya diampunkan dosanya

Jika jenazah lelaki doanya:-

اللَّهُمَّ لَقِّنْهُ حُجَّتَهُ، اللَّهُمَّ ثَبِّتْهُ عَلَى الْحَقِّ، اللَّهُمَّ اغْفِرْ لَهُ وَارْحَمْهُ

Jika jenazah perempuan doanya:-

اللَّهُمَّ لَقِّنْهَا حُجَّتَهَا، اللَّهُمَّ ثَبِّتْهَا عَلَى الْحَقِّ، اللَّهُمَّ اغْفِرْ لَهَا وَارْحَمْهَا